

晚

晴

移

詩

匯

晚晴移詩匯卷一百三十三目錄

陸耀遹 九首

徐漢蒼 五首

趙紹祖 八首

楊知新 三首

祝百十 一首

祝百五 二首

劉敦元 十五首

潘諮 十一首

喬重禧 七首

朱鍾 五首

程綸 三首

項霽 四首

葉元階 三首

岳廣廷 九首

林直 六首

陳蘭瑞 三首

蔣寶齡 五首

費丹旭 二首

陳銑 二首

文鼎 一首

陶琯 一首

劉游 五首

蔣光煦

一首

趙函

八首

葉廷琯

一首

單學傳

四首

顧煥世

一首

晚晴移詩匯卷一百三十三

徐世昌

陸耀遒字劭文一字紹聞武進人道光元年舉孝廉方

正官阜甯教諭有雙白燕堂集

阮芸臺曰紹聞詩才清拔非唐人不
道隻字詞更清空婉約劇似宋人

詩話紹聞與季父祁孫同擅文名時稱二陸早客阮
文達幕文達極稱其詩中年以後體格較變神韻反
減游迹徧秦粵喜收金石繼王蘭泉爲續編晚應徵
試得校官百日而卒附集唐詩二卷叙實事如已出
方之黃唐堂殆不讓也

歸次盱眙感賦

昔年羸馬經過地搖落能將別緒催
暝色數峯隨客到秋聲一夜渡淮來
冠裳異代餘松檟龍虎英風沒草萊
兩載倦游重弔古不堪攜醉步層臺

三月十五夜泊彭蠡同干丕登大雞山

番湖一碧澄不流舊山明月隨行舟清光四垂天宇淨水
氣凜凜寒于秋乍入盤渦櫂聲折近嶺回波盡圓折布帆
落處水禽唳十里平沙蹋晴雪孫郎濟勝天下稀援臂引
我登危磯天風吹人儵飄舉衫影欲逐巖雲飛山中露寒
夜蕭爽緣山有徑披榛上崖回島側窮攀躋天半惟聞屐
聲響興盡重尋下渚船登山臨水總堪憐月明欲去無鄉
夢斜倚孤篷枕肘眠

曉霽發縉雲行館經桃花嶺最高處

羈魂警遙夕離燭輝未盡檐聲斷疎雨緒風尙淒緊旣晨
感羣動懷遠駕征勒宿霧紛漠漠初陽辨隱隱崖傾雲構
發路轉峯勢引長林或妨幘仄巘但容軫盤紆得少偈徒

旅亦勞憫穿雲石疑走投煙鳥如隕同壑鳴湲潺連山失
崇蘊氣挾海潮動聲與天漢近延賞景屢遷窮躋步多窘
覽物各有愜超興固無本仙都結遐想高騫謝塵坳

芸臺先生邀游石門洞

侍郎濟勝稱絕倫翩然攜客來石門白雲亭亭若相待欲
出不出巖光屯板橋數折達山麓石徑往復重崖分平林
新雨氣蕭爽瑤草琪花自森長仙人元鶴不可親空裏珊
珊玉聲響崇巖倒影驚奔湍仰見匹練飛林端甌江東來
翦高浪灑作晴雪傾層巒我支疏筇倚風影水氣落潤春
袍寒雲根戔戔淨無土十仞危崖競摩撫謝公屐齒惜未
來石上題名更誰數賴有新詩紀勝游山靈呵護珍千古
閒禽催客嘯夕陽巖花欲落春水香同看暮靄足餘戀木

聲激激山蒼蒼

四月四日游雁蕩山自四十九盤嶺至大龍湫登馬鞍嶺經靈巖靈峯石梁諸勝達大荆城紀事

出谷復入谷下上窮煙霏遙見羣峯劃天碧石骨瘦削雲膚肥同厓愈轉愈不及振勢百折難停轍舍輿攀行苦奔峭非屨側滑青藤支龍湫飛泉灑絕頂萬絲下澣天孫機山光倒流瀉蒼翠潭影激射寒玻璃窮躋盤盤達山脊絕巘無級旁無依一百二峯人全覽名以象命存依稀非仙非鬼竟何物羅列呵問艱陳辭雙鸞矯羽不得控玉女下顧神頎頎眾中一柱特疑立以頂觸天端不敵平生夢想忽到眼金簡所狀心猶疑東南海水繞如帶蜃氣漠漠天風吹靈巖靈峯並奇絕石腹側裂青冥低入門清嘯眾山

答蘿穴一鵲驚人飛危龕老僧鬢眉綠屏息枯坐扇元扉
橫空石梁界虹影瑤草下覆無炎曦重巒複嶂各異態飛
磴厯厯忘神疲傍山何人結茅屋累石爲壁爲門巖嶽尊
薦茗解煩渴石門潭水甘如飴牆陰藝蘭發紅蕊采擷細
瑣來相貽爲言十里到荆驛行徑漸平山漸稀山中氣使
異昏旦層陰閣日殘陽微冥花如霰翠欲滴巖氣雨香薰
客衣歸雲亭亭與爭道林壑斂暝窮回睇

從潼關至華陰西嶽廟

青牛鞋罷駕茅龍不用仙人九節筇此去關河分兩界當
前霄漢插三峯平臨極北星辰動頻瞰終南雪霰封差喜
此邦無佩犢好禳旱魃事春農

瓊宮紺宇鬱嵯峨徧訪遺碑玩古柯萬樹晴雲浮太華四

山春水下黃河咸陽建策貂裘敝杜曲弢弓虎跡多不信
此生難自斷更從畫壁恣摩呵

青柯坪下山悵然有作

一徑柯坪款石扉碧雲漠漠溼行衣長鑱便擬求黃獨老
屋惟應結翠微久憊津梁難濟勝欲盟猿鶴愧忘機向禽
舊約蹉跎甚遙禮天關謝玉妃

道中感懷寄呈季父合肥兼示燕豫子姪

阮道曾無南北分全家羈宦忽離羣一春又帶還鄉夢十
載空傳誓墓文燕外香泥寒食雨馬前清淚太行雲羨他
麥飯松楸路上塚歸來未夕曛

徐漢蒼字荔庵合肥人貢生道光元年舉孝廉方正有

蕭然自得齋詩集

詩話咸豐癸丑冬合肥城破荔庵爲賊所得不屈被
數刃賊以爲死矣棄之去乃得更生年逾八十而終
詩整贈流利陸祁孫謂
在梅村漢槎其年之問

雜詠

君爲青松枝連蜷森百尺我爲澗邊草孤心盟白石澗草
吐春芳松枝孕寒碧出世爲勞薪在山守貞璧

青松比君子時花喻美人孤懷與世忤何以娛佳辰佳辰
不能再花月常如新斗酒自斟酌念我平生親故人各天
涯天涯如比鄰懷中一尺素卷之能千春

天香散幽室蘭蕙迎春開雖處塵囂中何異隱蒿萊百憂
萃一身撫景空遲徊雕欄蓄異卉風雨爲之摧良玉薦情
廟野燼吹爲灰枚叔歌七發杜陵傷八哀青邱何累累白
骨生莓苔

讌集大觀亭同方植之

東樹作

蒼龍縮首斂煙霧到此江流東不住驚濤直下羅刹磯百
折千迴有餘怒大觀亭子橫江開裹創轉戰江聲哀將軍
碧血灑秋草戰士白骨生春苔我讀遺碑三歎息手拍銅
駝淚沾臆何止田橫五百人斷腕殘肢土花蝕勝蹟留傳
又幾年撫今追昔空徒然但將風月供詩料莫把興亡話
酒筵鮐魚斫膾開香甕深樹流鶯囀清哢爲誰車馬滯江
干縱有奇才亦何用東南寶從皆枚鄒射覆園碁事事幽
濁酒千杯澆硯礪清商一曲彈箏篴毀譽無憑安足道莫
教榮落傷懷抱壯志全消郭隗臺離愁綠徧王孫草名士
從來說過江六朝山色仍當窗君看塵海風波險那及空
梁燕影雙長江極天帆去速皖伯臺前雲樹禿此時百感

欲填膺無端五嶽撐空腹翠螺一點天邊浮中有李白之
高樓褰裳何必從公去此間我識韓荊州

曉行銅陵道中

殘月一痕白雞鳴星欲稀牛欄人乍出漁榜夜初歸戍鼓
有餘響林鴉無數飛青山在天末長揖謝元暉

趙紹祖字繩伯號琴士涇縣人諸生道光元年舉孝廉

方正有琴士詩鈔

詩話琴士少有聖童之目自爲諸生久困場屋遂專
力於考訂校補之學者述至數百卷其詩追摹盛唐
頗與明七子相近
蓋僕學之餘事也

權歌行

鼓櫂莫愁村乘潮上水門乘潮來復去莫問妾家住妾家
住橫塘門前藕花香採蓬不採花妾心紛如麻妾心不輕

吐蓮心獨憐苦心苦那得辭輾轉誰相知相知一片月照
妾樞歌發

送友

相餞出城西攀折長亭柳別意不可言飲此一杯酒廣陵
潮送木蘭舟黃河五月如清秋試聽鷓鴣無遠近關山明
月好回頭

家書兼寄諸友

二月江城客春愁入酒醺登高見天末別浦有歸雲明日
家書去征帆帶夕曛梅花不堪折嶺上落紛紛

月夜逢僧巨超

一片長江月清光第幾灣詩逢賈島饒舌識寒山

向山師名

於悟

樹影淩波亂雲心出岫間瀾翻潮偈合風冷不知還

和巨超不波亭望月之作

夜月不波亭空濛涵太清水光連樹影雲際走江聲寺抱
雙峰迴舟看一火橫趙州茶罷後偏欲以詩鳴

潤州城樓

參差雉堞繞雄州岷水東來萬里流不變京江作春酒可
堪鐵甕貯深愁中年抱病常爲客二月看花更上樓白鳥
煙波偏浩蕩一雙飛去自悠悠

泛舟虹橋

放艇虹橋雨漿間鶯歌燕語聽間闌綠楊萬樹剛三月紅
榭千家祇一灣往事銷魂惟此水隔江縱目有層山蜀岡
飛雨飄空翠溼透春衫未擬還

滁州雜詩

欲訪琴臺迹已平琅邪溪畔獨循行居人但說歐陽子誰

問當時李幼卿

餘名宦當首李幼卿
余為補書其主于祠

楊知新字元鼎號拙園歸安人諸生道光元年舉孝廉

方正有夙好齋詩鈔

詩話拙園幼慧九歲賦月華詩有云千衢瞻錦繡萬

閣仰文明見者奇之長與族兄鳳苞齊名鄉人稱為

二楊為詩受法於胡歐菴斷斷持唐格一字不肯輕

下晚年始信筆所之恣所欲言嘗與張南山往復論

詩神交二十年卒未識面而歿南山作拙園子歌贈

之有文老愈奇詩愈美之語集中斷句如初秋登崧

高臺云江山留故蹟天地入新秋菰城秋望云鐘

聲黃葉路帆影夕陽橋均摘入國朝詩人徵略

錢唐江觀潮歌

癸卯八月月既望鳳山門外來觀潮始入蜿蜒僅一綫或

斷或續流漂搖須臾乘風立十丈浪花飛激吳山椒勢如

雷霆發震怒聲如車騎騰喧嘈皎如銀山駕雨座疾如驟

雨傾崇朝紅旛白馬降荒忽最屢出沒魚龍驕地軸頓翻
白日動雲氣半晦青天高當日錢王意氣豪三千強弩曾
親操潮頭忽向富陽落至今箭鐵沈洪濤我來正逢日卓
午洶湧直欲排雲霄壯觀一洗胸次隘掉險跨越秦函嶺
忽憶南宋請降日北兵駢集屯江皋宮中福人默虔禱至
誠或可回斗杓驚波疾捲一千里百萬性命輕鴻毛如何
三日竟不至天意毋乃亡南朝江山依舊塵劫換慷慨弔
古歌長謠日斜潮罷各歸去滿林落葉風蕭蕭

寄姚千之路村

南浦春深故人去風光駘蕩欲銷魂桃花柳絮隨孤棹流
水青山入遠村舊日蕭齋欣促坐別餘新詠闕評論西峯
夕照重回首愁對離亭酒一尊

踏雪

不辨雪中路危峯雲影低犬驚茅舍北鴉亂板橋西訪舊
門猶掩尋梅徑已迷橫舟問前渡澗水靜流澌

祝百十字小山又字子常江陰人諸生道光元年舉孝
廉方正有草堂詩存

南華爲高君朗岑屬

南華秋水恣恍洋鵬搏扶搖萬里長桐生朝陽鳳高岡倬
彼雲漢分天章彫蟲青僮眠竹牀茗翠宛約春庭芳梅綃
紅文虛曲房金莖仙掌藕截塘補天煉石拜媧皇吹簫侍
女珠兩璫修眉戔戔雲錦裝西風夜炳太乙光赤城建霞
虹作梁墨卿香案富縹緗花簷鵲噪眉間黃月輪蟾桂氤
氲香天衣五銖機七襄大羅一曲廣霓裳

祝百五字丙季江陰人貢生有瘦丰詩鈔

閨夜

綠篝香裊燭花遲倦眼朦朧酒醒時心怯夜寒憚不寐隔鄰吹徹玉參差

濠梁道中曉發

侵曉陰雲四望垂乍明還暗馬行遲苦風冷雨濠梁道正是居人夢客時

劉敦元字子仁號笠生桐城人諸生有悅雲山房集

詩話外大父笠生先生爲海峯族從小有文譽屢試不第邀游江湖當時名賢多有酬唱客吳越嶺南最久後游中州遂家焉桂文端公撫豫入覲宣廟詢及工箋奏者文端以先生駢儷文進甚被宸賞先太夫人手存遺藁授余珍守初刊詩存六卷詞存一卷續又蒐求重編詩八卷文四卷詞四卷附存一卷即行又藏有紀夢圖先生客羊城時夢至一地清景絕塵記其楹聯云草茸竹外新開徑松老庭前舊著

書因以繪圖圖後有姚春木袁蘭村方彥聞郭頻伽
洪幼懷諸公題詠頻伽句云夢裏尙無名位想笑他
宮殿說笙簫可
想見先生高致

小孤山

仙子凌波去天風生暮寒片雲留太古孤月在層巒
石壇靜濤聲大澤寬不知前路近五老隔江看

滕王閣對雨

又從南郡計郵程高閣依然接太清帆影穿雲迷皖口江
聲挾雨下湓城麓才未信因風助壯志惟應破浪行回首
遙天煙樹晚斷霞一抹喜新晴

贈符際堂

豪狂走馬入京洛懷中名紙空臺閣四海人誰知駿良冀
羣長嘯天風落潦倒浮生四十年乘槎遠破珠江煙馬嘶

老矣不營窟覆耳白髮徒皤然中山君管城子平生託此
爲終始五嶺屹屹珊格高大海一滴蟾蜍水萬言陳策阻
侯門怒冠上訴星光紫我今有美酒新漉蒲桃漿高挹北
斗向空碧與君斟酌凌蒼茫蓬壺咫尺不可去手把芙蓉
自延佇

登粵秀山

楚人一炬秦灰冷漢室金湯遷洛鼎九枝赤日麗中天人
間燭火齊銷恨何物小尉龍川陀稱王已足帝爲何黃屋
左纛不數世樓船橫浦來伏波龔鋹祖孫亦狡悍手取潮
韶桂容管刺史誰呼屬洛州風流天子春光滿珍珠溝水
火山香璇房銀殿相輝煌那知身作降王長茂陵玉盃難
終藏粵中自昔成戰壘負販侯王今已矣朝漢高臺落日

寒呼鑾古道悲風起我登粵秀俯眾山海天如鏡無波瀾
聖人當陽百靈順中原瑞氣涵諸蠻分茅銅柱不可攀長
興羅浮四百三十二峯同孱顏

同聶琅圃茂才

鐸敏

登粵秀山山響樓步壁間賓谷

方伯原韻

南交鎮層巘傑閣倚雲開海日半山雨松風一壑雷新收
平寇略誰識濟川才橫浦樓船下荒林舊築臺

清明

幾年寒食在天涯又向梁園滯歲華去日壺觴來日夢二
分塵土一分花中年多感心猶熱生計能謀願已奢我有
墓田歸未得春風吹淚送窗紗

虔州道中

野篠叢生水拍隄
轆轤聲裏竹雞啼
兩三略約斜陽晚
二月春風花滿谿

沈羶幾日放春晴
十里芳塍兩岸平
黃到菜花青入麥
鵲鴻亭下過清明

鎮海樓遠眺

高閣星河近登臨
萬象屯雲光連岸
失海勢挾山奔終古
此潮汐雙丸自吐吞
茫茫撫身世鷗鳥起沙村

雨後

宵雨分涼客夢安
醒來差耐布衾單
響沈鐘梵孤懷寂
曙近書檠一穗寒
狂興那堪論賀監
清才未合老方干
碧天雲散塵氛淨
倚劍何人把酒看

廣陵述懷東侯青甫孝廉

雲松

落拓浮生感倦游當年明月憶揚州三春花鳥南朝夢一
夜風帆北固樓寶鏡飛塵窺鬢影畫橋攬管攬鄉愁蘭成
不合江關老詞賦何人與唱酬

五人墓

承明殿上歌聲靡東林社中悲聲起謠傳委鬼唱茄花兒
孫鷹犬紛爪牙毅氣觥觥清君側鐵骨嶙峋三代直夜飛
緹騎響寒風咫尺吳雲黯無色閉戶非無卿大夫挺身奮
激來屠沽滿腔熱血潑江水陰霾天翳聞喧呼杜鵑嘯處
山竹裂星光慘澹悽殘月市門一擊博浪椎草痕盡染萋
宏血吁嗟乎九枝日出冰山消生祠瓦礫埋蓬蒿行人終
古傷前朝摩挲四字豐碑高

永晝

肯將永晝等閒過。瀟灑山房此嘯歌。竹露分涼通短檻。槐
雲蘸綠上輕羅。孤懷落落冰心映。塵世勞勞熱客多。賸羨
陂塘雙白鷺。也知緩步向風荷。

次姚春木

椿

安昌寄興詩韻

燕鴻來往總成賓。媿我生涯倍愴神。賣賦雞林留舊價。論
心驥櫪感伊人。歸從夢短如中酒。情比官貧未乞身。同是
江南倦游客。回帆恐被白鷗嗔。

詠寶刀同一飛作

昆吾之鋒經百鍊。手掣寒光飛急電。空庭大木風颼颼。蕭
然一夕天地秋。老魅驚走野狐愁。雄心上凌層霄紫。仙仙
覩覩吾曹恥。世間不平事有幾。且挂牀頭遇知己。

潘諮字誨叔號少白會稽人有少白詩文集

姚伯昂曰少白詩怡然得心以聲應之非所謂見道之深積學之厚性情各適其自然者耶符南樵曰余訪少白於白門四松庵後二年來揚州兩目瞽矣猶論詩不倦集中有詩一篇凡千二百韻自古有詩以來未見如是長篇者

詩話少白好奇學綜道藝足迹半天下熟知風俗利弊政治得失道光中游京師以清德名理爲羣公所傾倒與歸安姚鏡塘駕部志同道合一時方聞才辨之士並折節下之程春海侍郎謂其人由狂返狷文則自奇入正惜其不爲世用詩境清曠每於流連景物觸處天機皆自道所得之言也

高樓篇

悠悠遠行道清霜瘁百草繁星照落月行人何太早高樓臨大隄卧聞客馬嘶青天挂長路客馬何當羈洛陽三月花城門來去車車中看花客多道是天涯烏曉苑中樹飛翻入雲去人生鄉里中壯懷逐風翥海波大如山賈客循天還人事塞霄漢樂情忘閒關禾田春風起種黍釀成醢

金鞍垂兩鐙不如負耒耜夢中間人行嚴冰歷羊腸行人
馬上歎居人思故鄉

示友

名士如名山軒車時來游自非林泉性鮮能終日留豈不
愛清華冰雪易爲愁性習本自異慕思良亦浮所眷非素
懷羣疑生嘲啁是洵神仙山何無金玉樓以此求真賞所
以失林邱吾願山中士氣與冰雪適自愛白雲睡非薄車
馬傳

漢槐

此在介休郭林宗墓
又一在太原城北

林宗墓前有古槐遺塗數舍見崔嵬人共金莖語秋露始
見樓桑苗春雷風雲翕霍二千載鄧林生死幾榮萎東溟
浮筠光彩遠荆南冥靈風雪摧此木昂藏望霄漢厚地聳

秀青天垂人言林宗手植此矯矯萬古揚清輝洵乎不朽
皆有託亦汝勁固能自爲修士風流尙如此何況至道光
台魁雩風杏雨做天地岱松雍柞秀苔莓我來驅車過樹
側絳陰如山搖廣陌長風瀕洞天黛色闌巖巉壑窺正黑
下疑根泉通滄海上恐柯南有仙國株圍十丈盤數畝寄
生如輪過百尺織女中宵拂素機孤鶴青冥同羽翼偃蹇
風塵官道旁世無斤斧豈汝力窮山穹谷求大斲班輪旁
卧不敢憶卽今已非梁棟用傲兀冰霜不自惜孰云翦伐
方爲材從容只信乾坤息太原古樹今亦存欲爭造化申
細縕棲遲籬落秀塗巷九原無處依龍門

自晉陽過榆次

落照古營州青天雪盡頭羣山飛葉盡孤客鬢毛秋遠色

鐙隨樹寒聲角滿樓魯連江海跡此地十年留

江上田家

小市垂楊裏人家有杼聲春隨黃犢靜花傍白鷗生有叟
能耕鑿無人識姓名豪華不到處魚鳥總忘情

見舊泊舟湘漢間詩和之

江上人家早掩扉溪煙漠漠溼垣衣山鐘乍動佛鐙上初
月向人江鳥飛遠柝因風知市近棹聲隔浦識漁歸當年
每值清秋夜大半孤篷傍釣磯

答客問

心在羣情未動初蓬窗無事曝蟬魚千年自有同歸業百
氏均非必讀書養拙不嫌抱甕汲忘懷猶樂帶經鋤少時
頗涉文章趣老覽前人陋子虛

獨游

早起一杯顏已酡衰年孤抱更嵯峨袖書行到見山處遇
寺頻因訪菊過篋叟豈惟完太璞釣徒誰可付青蓑秋光
亦似陽春曲有我閒吟不要多

從天乞作幸民身游盡青山未息輪溪壑秋來如靜女關
河時豫類閒人到天一候憑攜展互古千家可擇鄰六十
三年吟裏過昔賢安逸恐無倫

每過桐江語客星此中歧路慎伶仃魯連才亦縱橫術顏
觸言如長短經未識乾坤真蕩蕩徒耽泉石總冥冥後來
巖谷栖神輩半類枯禪木石齡

淵海停潑物有芒百年光影是文章讀書不礙遜袁豹作
賦非因詘謝莊三極未形存象數五聲因器得宮商有生

視息蒼茫內不是眞瘖合激昂

喬重禧字鷺洲上海人諸生有陔南池館遺藁

詩話鷺洲嘗北游宣大出居庸觀避暑山莊諸勝又西入藏歷覽布達拉札什倫布見之詩歌晚入都門時方編刻宣廟御集曹文正暨鶴舫相國招佐繕校集中亦有詩紀事

風雲嶺

驚沙風卷夕陽明松漠茫茫積翠橫殘雪數峯猶噤馬落
花四月未聞鶯玉盆灣遠無牙帳銀鎧星寒弔柳城塞女
琵琶邊戍角聽來總是可憐聲

阿濟克鳩

阿濟克鳩漢語小鷹峪在玲瓏山下東北木蘭秋獮爲進哨第九圍

玲瓏山勢俯崇岡浩浩平沙接大荒天闊圍場資羽獵地
臨絕塞走名王養茸麋鹿呼羣行得氣驂騑戀草香六合
一家還肄武雄文應陋漢長楊

精忠柏歌

風波亭上白日黑三字獄成碧血碧千秋冤憤誰見之惟
有淩霜一株柏柏之生也精氣橫柏之死也英風鳴公生
亦生死亦死如公者死將焉生柏旣不能將身作弓弩隨
公直搗黃龍府又不能化爲寶劍如吳鉤出匣徑斬奸臣
頭且不能效隗順一獄卒手捧公屍瘞巖樾惟此盤屈塵
沙中日對南冠泣秋月歲歲磨鍊風霜姿青銅爲皮鐵爲
骨黃天蕩裏殺氣摧朱仙鎮上悲聲哀施全已死背冤殉
眼見宋室成蒿萊露葉風枝氣鬱勃勁節稜稜誰與奪縱
有日暄雨潤時天地精華不能活公也與柏原殊形柏也
與公爲一身柏死取其義公死全其仁丹心孤幹不共劫
火沒要使天下萬世知其真盡忠四字公鑄背精忠二字

柏堪配今日見柏如見公泣下多於赭衣輩吁嗟乎古今
正氣乾坤中聖賢與物無不同君不見西湖墓上落日暗
南枝肅肅生寒風

出山海關和張詩船

祥河

蹕路仙簪驛騎催扶桑迎面曉霞開雄關鎖鑰千山抱滄
海朝宗萬國來當日從龍多碩輔卽今射虎亟邊才長城
詩思增懷古策馬相期上大臺

杏山和祁春浦

寓藻

十三萬眾化沙蟲聖武猶傳撻伐功百戰艱難成創業三
山形勝矗長空盤雕影落關雲黑塞馬秋騰海日紅開國
神謨天助順莫將成敗論英雄

大臺和詩船

興京王業自天開
捺鉢頻添駐蹕臺
萬馬橫驅厨嶺下
薩爾六龍曉渡大河來
圍陵地迴風雲壯
遼塞秋深雨雪催
才子橐韞勤載筆
饒歌應陋上之同

噶布喀和許眞生

出卡快揚鞭
朝陽豔錦韉
碑荒婁室墓草長
塔兒泉楊柳
巖邊戍松花
江問戰船
山凹見叢菊
鄉夢落吳天

朱鍾字應黃號雅山平湖人舉山林隱逸有古白書房

吟橐

詩話雅山翁介自好阮文達秦小峴宦浙時先後
延致俱不赴其詩醇雅綿聯望而知爲有道之士

秋士篇

秋林無靜樹
秋士無甯心
攬衣起中夜
徘徊發微吟
落葉難上枝
古人不及今
華年易衰謝
感彼蕭騷音

酬徐春鵬一麟梁溪道中看梅見懷之作

春風江上來故人挂帆去春風江岸吹故人
艤舟住梅花如古歡一笑他鄉遇雲迷晉陵山
煙白平江路澹泊赴襟期清芬表寒素夷猶孤棹遲
程爲花香誤平生抱素懷皎潔真堪訴藹藹江南春
離離煙外樹臨風憶故交寄我瑤華句

昔我游梁溪溪梅正含蕊泉聲泰伯祠山影春申里
清韻落帆風淡煙沽酒市春江逢艣響盡在寒香裏
爲君數舊游屈指十年矣君詩如江月照我離愁起
溪雲竹寺幽林雪村橋圯一髮江南山隔斷相思水

霽後郭西閒步

遠煙畫山色作意媚新晴不盡郭西路有時花裏行
水春

交樹影村午聚雞聲小借茅亭坐溪田看耦耕

溪山

溪山吟不盡興到拄枯筇適意卽孤往幽尋無定蹤聽松
雲壑秀行藥礪泉重竹寺逢僧話歸來及晚鐘

程綸字伯垂桐鄉人諸生有小隱山房詩鈔

書劉念臺先生傳後

江湖猶自念京畿國破城春淚滿衣臺省幾年明主棄俊
厨一網故人稀恨填東海常銜石忍餓西山不采薇多事
鼎翁爲弔客信公視死本如歸

得朱

芬

關中歸信

楊柳東風動渭城故鄉千里獨含情潁川有吏推黃霸楚
國無筵餞穆生馬上春雲開嶽色天邊晴雪落河聲空囊

不載藍田玉依舊歸裝一葉輕

晚泊臨平

蓬窗長伏枕秋夢荻蘆間疏雨分殘照歸雲雜晚山欲隨
漁牧侶相對鷺鷥間俯愧寒潭水依然照旅顏
項霽字叔明號雁湖瑞安人諸生有且甌集

靈隱西澗

頃生寄託在煙霞傍磻穿林輿不賒十里玉雲薶竹葉四
山金粉落松花磨崖客剔龍泓蘚入寺僧烹鶴嶺茶散髮
悠然成獨往畢逋斜日動歸鴉

山行遇雨宿半山庵

陰森夏木榮山行足幽事欣聞謖謖聲崩濤入松吹厓舍
林漸迷日沒雲欲墜婀娜隨天風疎雨白萬穗入寺沿鐘

聲揮塵度雲氣坐看剎旂動心安了無累翻嫌詩興濃
龕鐙照無寐

大龍湫歌

雁宕山瀑擅奇色江村來踏青芙蓉連雲嶂斷翦刀露突
見湫水懸高壙昔年有景不敢道今日作賦乃難工阿誰
椽筆寫造化變態萬狀思牢籠凝煙冉冉出天際噫氣鼓
蕩來狂風擎空蜿蜒久未下失勢一落何冥濛雷轟電掣
總莫擬歎雲欲霧焉能窮靈湫有源雁不到九天上與銀
河通織女償錢急翦錦雲綃脫軸垂晴空流星四散竇晝
雨玉塵萬斛揚冬春夜光壁擲硯柱客照乘珠瀉蛟人宮
日光耀射見五彩月氏琉璃千尺張巖壑水樂乍奏聽瑤
琤八音繁會開頑聾非笙非竽異響闕怒擊鼉鼓鏗鯨鐘

乾端坤倪貴特識勿以戲劇猜天翁海嶽元氣浩不死直
成亭毒無神功金精耿耿貫萬古屬天光怪長如虹築亭
坐觀恨不足況乃縛屐眞偶逢石梁雙澗詎可並香鑪百
丈知誰雄我今五岳恣游尙未遂先期汗漫急欲騎茅龍

尋羅陽王祠

雲山回合水滿陂岸花絳綠鳬翁嬉周臺漢苑目未覩訪
古出郭尋荒祠神稱王表大怪異太元往事堪嗟咨羅陽
印綬號輔國守令迎謁無愆期蒼龍門外置邸第聞言宛
若徒褰帷立后改年出神示耄荒大帝非英姿霍山竹節
甯不期五車命職皆傳疑先天不違萬靈護聽神自侮人
爭嗤雄心鼎峙老欲盡況制六合加鞭笞民神雜糅竟何
益變置儲貳成阼危呂壹排詆若鬼蜮朱據見枉兼是儀

陸潘涕泣誠可思
蠱惑喪志女謁盛
強藩讒搆勢如絲
奉命禱祠怒江芊
良臣放死巫覡馳
降莘信隨若一轍
將亡祆孽侔梟鳴
龍髯莫挽請福遁
擲掄山鬼真成癡
祖龍逝壁遮道持
黃熊祀列霸兆移
神不勝道古所誠
甘泉太乙無差池
國山再封神印發
洛陽青蓋呈靈著
公鉏司馬動諸誦
飄飄熒惑疑同時
虎爪晉襲幸無語
信巫好鬼空傳貽
辨亡著論歸何辭
迴風髣髴吹靈旗

葉元階字仲蘭號心水慈谿人諸生有赤堇遺藁

吳仲倫曰心水詩心儀古人而能出新
意於法度之中於唐賢有不似之似

鷗飛閣

高閣曠一覽茫然思
所依自憐無逸翰
得意且孤飛天地
此時迴風波舊跡
非弗爭雞鶩食詎
蹈弋人機

空情

常恐情來強自禁蒲團寂坐不聞音養成瑣子玲瓏骨參
到蓮花自在心尙恨幡輕風易動誰言湍激石終沈空王
枉說空諸相費盡檀施徧地金

蒲擬

蒲擬繁花照眼紅捲簾曉霧忽濛濛亦知黃舌慚春鳥偏
有冰心語夏蟲蓮葉待舒仍怯雨蕉陰微展已知風尋常
物理看何盡枉說江郎賦恨工

岳賡廷字載臣號石村榮成人諸生有燕來堂詩藁

詩話高密李氏兄弟詩以賈島張籍爲主出入四靈
同邑王天柱旋膠州宋松礪繩先福山鹿學樵林松
並從受詩法世稱爲高密派石村亦以李
氏爲師依清鏡幽邃妙造自然足稱嗣響

贈賽靜甫先生

亦復在塵世翛然無世營身從貧轉健眼到老偏明補屐
尋山寺移家遠縣城連朝過我話一杖去來清

過董樵墓

峭骨此中閉隕封誰復知樵餘猶有樹埋後更無碑家近
卻難問魂孤應苦飢野薇還可採薦罷不勝悲

訪張青菴先生故居

窮老著書處荒村賸草堂樹多親手種詩賴故人藏夜月
虛松牖秋雲冷石牀嗟予生不早未得侍門牆

登鐵槎山

攀緣怯復疑百里見屢屨及到所望處還如初上時幽花
窺佛洞古木蔭龍池此夜宿仙觀茫茫身世思

訪王秋史先生故居

二十四泉上詩人舊掩扉遺踪何處問黃葉一林飛狐兔
竄荒墅蓬蒿掩壞磯百年今若此邊李故應微

游華不注

孤標絕依倚突出凌平疇城東一舒目轟轟當晴秋泰山
自高大茲峯轉清道如人能自立何必公與侯我來游其
下猶見清泉流試爲陟厥巔眺矚意悠悠謫仙旣已往呂
仙不可求聊騁一時興尋勝還三周

長山陳仲子墓

是否於陵舊寥寥抔土存碑殘猶有字城僻只如村冷落
帶秋色摧隤侵雨痕至今齊國士若輩可同論

城東雜詩

寒濤拍天湧白晝亦常昏山斷陡臨海沙多高障村闌難

鷗鷺叫怪石虎熊蹲回視經行處微茫屐齒痕

村際逢人少喧聲逐海涯魚從沙尾曬飯向島頭炊螺蚌
乘潮拾兒童沒水嬉莫言生計薄住久亦恬熙

林直字子隅侯官人有壯懷堂集

謝枚如曰子隅詩氣勁詞雄不
爲錚錚細響其五七律尤佳

從軍行

幽燕少年年廿五廣顙龐眉氣如虎復仇祇用一橫戈殺
賊全憑幾枝弩昨宵鐵騎來邊城報君情急性命輕擬金
伐鼓下榆塞黃沙萬里連行營山川蕭條日無色旌幟槍
城愁不得奇勳不羨李征西苦節徒憐蘇屬國詰朝烽火
照狼山鞭鞘指處千夫環身經百戰穿金甲不斬樓蘭誓
不還破敵歸來見天子醢酒惟牛勞將士戎裝乍卸漫還

家明年又報邊塵起

結客少年場行

長安少年游俠客走馬日逐城南陌見人不肯道姓名不
是英雄不相識平生意氣重結交龍泉三尺橫在腰片言
偶合吐肝膽萬事到手輕鴻毛朝入主人門暮醉主人宅
主仇不報空丈夫躍馬出門身不惜刺殺讐人函首歸淋
漓頸血尚沾衣主人請以千金報踏步掉頭去不告君不
見荆卿當日勇無倫聶政西來亦可親從來緩急相看者
猶數屠沽輩裏人

早發襄城

四野風初緊孤城月漸低醉乘宛北馬來聽汝南雞水接
三川盡途經七聖迷首山欣在望何日遂攀躋

明倫彙編 家範典 卷一百三十三
三
鄴中弔謝茂秦

燕晉關河快壯游，布衣落拓復何求。
無錢可買青山宅，有志終辭白雪樓。
中道交情嗟七子，暮年名譽動諸侯。
改亭不作虞山死，過客誰來弔廢邱。

追悼張亨甫

際亮

孝廉卽題其妻光堂稟後

幾年挾策謁天關，閩嶠燕臺數往還。
奇士曾聞傾北海，斯人何意老東山。
一棺蓋後猶遭謗，萬事生前只強顏。
鳳羽未成螭馭邈，永留詩卷在人間。

招梁禮堂

鳴謙

孝廉子翊

聖堯

子駒

豫庭

子恂

錫三

龔謫仁

易圖

小銘兄集桐雨軒

梧葉秋先覺，推軒暮雨寒。
百年有今日，一醉若爲歡。
努力儒林傳，傷心大將壇。
憑誰靖豺虎，長使道塗寬。

陳蘭瑞字小石江西新城人有觀象居詩鈔

詩話小石爲石士侍郎子吳蘭雪女夫也受詩法於婦翁蘭雪稱其天機清妙時出新意芟其蕪累而佳石美竹亦復成林又謂其詩中有云文愧爲人子詩愧爲人婿惜不永年未能充其學也

題余芝衫孝廉秋林覓句圖

秋氣滿天地先感詩人心此心何所著隨地成山林清泉瀉激激萬木聲森森野花無媚色霜蛩有餘音白雲自來往幽鳥閒相尋翛然坐林下抱膝惟長吟

題李牧臣覺孝廉五少游廬圖卽送其下第南歸

昨夢騎鶴凌天風翠壁丹厓逞千變醒來身又落塵寰浮嵐掃出廬山面髻鬢曾讀藏園詩拍手驚奇心欲飛年來復誦婦翁作無恙溪山儼如昨新詩摹寫愈幽奇不獨攀躋健腰腳吁嗟乎陶謝李蘇不復生浮雲飛瀑難爲情李

君重來繼吳蔣腳踏芙蓉七千丈或奔幽谷到馬尾或上
危崖入龍盪或卧醉石呼同游或覓殘碑成獨往三石梁
邊三疊泉五老峯頭五少年尺吳寸楚眉睫前功名富貴
如春煙旣不能坐我以天池寺側佛手崖邊又不能招我
以觀中之白鶴贈我以谷底之青蓮使我塵抱頓釋沈疴
蠲示我驚人之奇句引我鄉思徒茫然君本仙才今暫謫
清福平生非易得但令著述有名山人海何須計通塞願
君珍重少年身雨笠煙筇了夙因莫教白髮成衰懶笑殺
青松社裏人

閒中

萬卷圍身悔已遲閒中心事晚蟬知惟尋種竹栽花樂也
作寒蛩病蝶詩夜雨易催鄉夢遠題襟難與素心期一庭

芳草斜陽淡又是秋風欲到時

蔣寶齡字子延號霞竹昭文人有琴東詩草

王叔彝曰霞翁工書善畫詩亦溫厚和平而清微淡
遠之旨得自言外五言如窮難銷俠氣秋可鍊詩心
不之過門客漸修乞米書愁心滿煙水春事又楊花
清游宜小艇行色在斜陽寺迴月選上山寒春未妍
七言如他鄉風物登新筍三月春心到落花悵我離
家緣底事看人上冢又今年中年奇詭真非意並世
雄才有幾人江水有情留我久客懷無緒送春難月
涼愈覺水天靜風細時間草木香皆纏綿斐惻從性
情中流出

詩話子延撰墨林今話敘述乾隆嘉慶道光三朝畫
家評騭矜慎於正左浙西蒐集尤博幾無遺珠子延
多接名流濡染風雅詩畫兼工雖未造
大家要自清雋出塵不染屠沽之習

湖樓雜詩

一徑煙荒畫幃開孤游轉愛廢亭臺也知儘有春妍處不
稱殘衫破帽來

掩關幾度忍朝飢無賴春禽苦勸歸卻感多情老楊柳長
條綰我獨依依

易逝繁華等水流水娶過後斷豪游寂寥不少湖邊客閒
與斜陽寫古愁

羣峰倒影碧波澄清夜無眠檻獨憑贏得湖頭人共說五
更樓上有詩燈

八月十六日湖樓坐雨

黃雪已飄盡餘香猶戀枝那堪連日雨辜負豔秋時山氣
隔煙沒櫓聲緣岸遲坐看湖水漲難踐鷺鷥期

二十日當湖錢劍泉

有游山之約

費丹旭字子茗一字曉樓烏程人有依舊草堂遺橐

詩話曉樓天姿穎異貌傳秀性通脫父芝原隱君工山水曉樓繼家學兼工士女館錢塘汪小米家學詩

於黃薌泉學書於張叔未高爽泉游杭先後十五次
垂二十年臨歿謂其子以耕曰家事瑣瑣不備言庭
前花木余神游其間好護持之已而自起盥沐焚香
告祖引鏡整衣冠而逝年五十其詩抒寫性靈饒有

趣天

偕劍秋過小綠天庵訪六舟上人

達受

不值

一曲瀟湘水危橋宛轉通人來秋雨後門叩夕陽中舊夢
追塵榻新題認雪鴻天涯健行腳我亦感飄蓬

十一月五日雪夜寒甚寄劍秋

雪壓窗虛布被輕夢同無那易愁生漏聲不盡自斷續鐙
影欲殘時暗明客館早寒嗟歲晚薄田遲稅累秋成不知
此日門前路一笑何人訪戴行

陳銑字蓮汀秀水人

詩話蓮汀工書服膺梁山舟學士爲人
作書其工者輒用小印曰頻羅弟子

題蔣星華遺象

一庭梧竹冒秋煙滿架圖書手自編
憑仗後人勤護惜虹光不數米家船

憶昔相逢甥館中廿年塵事歎怱怱
而今畫裏容顏似無復樽前笑語同

文鼎字學匡號後山秀水人有後山詩存

詩話後山藏金石書畫甚富偶作小楷畫雲山松石守衡山家法甚謹篆刻亦能得三橋遺意

題畫

杏林低護水之涯獨自扶筇問酒家
一角青山遮不住幾椽茅屋夕陽斜

陶琯字梅若秀水人有綠蕉山館詩

詩話梅若工寫生步武南田間作山水小幅亦清遠有致

夜坐

疏簾三面卷斜陽
茗盃閒攜話晚涼
絡緯數聲秋已至
一庭清露玉簪香

劉滌字世波一字逆舟號蓼原又號了原肅甯人諸生

有蓼原詩草

詩話蓼原畸士眇一目家奇窮賣綫自給文不拘俗
試常三等不應鄉舉通經學訓詁音韻泛及儀象方
輿陰符靈素而以蟲吾李恕谷學說爲歸同里苗仙
麓與爲同志仙麓著述得祁文端曾文正諸公表章
遂負盛名蓼原終老牖下所著毛詩參錄八生考釋
煙沒無聞僅傳詩二卷文一卷皆簡峭自抒所得如
人其爲

續送春詩

遙憶去年三月晦
雲牋曾寫送春詩
情絲不斷重重續
又是花殘燕懶時

秋感

凭欄遠眺仲宣樓景物蕭條逼晚秋
楓葉浸霞紅石徑蘆花飛雪白汀洲
笙歌夢踏揚州月煙水貧無少伯舟
暝色蒼茫天漸縮蛩聲四野爲誰愁

客散堂空掩敝扉一庭落木墜還飛
倦憐白雁遷南北笑對黃花較瘦肥
再唱郢歌彌寡和曾經蜀道不如歸
閒階徙倚探明月清露漫天欲溼衣

客館蟋蟀

生卽不逢春風霜徧歷身長鳴惟向月
入戶暫依人旅寄天樓穴寒鋪落葉茵
客愁正繁劇漫訴爾酸辛

落葉吟

落葉離本枝何爲復合時時晚多飄風
吹我蕩西東東西

非故林葉葉有悲心心悲歲流電拓落成微賤下受泥塗
汚高愁霜露寒安得邱與壑零星簇作團團守根株勿
論榮與枯

蔣光煦字生沐海甯人諸生有花事草堂詩藁

詩話生沐精鑒賞與弟光煇寅助廣收古籍多藏宋
元精本校刻別下齋叢書涉聞梓舊爲士林所重

春日書懷

無賴還沽酒十千要拌一醉杏花前樓銜璧月光如水山
點濃螺碧破天芳草有情迷去路垂楊多事管華年春寒
惻惻和人瘦賸有閒情寫蜀箋

趙函字艮甫震澤人諸生有樂潛堂詩

朱酉生日艮甫稱詩數十年不與時習相推轉在刑
上佐都轉鄭公采擇乾隆以來諸家詩所見專集最
多故能別白流派意
爲根幹辭爲葩華

詩話良甫詩有典則自抒所得不事模倣依傍輯乾嘉兩朝詩自題云方其下筆時各謂自千古輾轉成故紙咄嗟棄如土復從土壤中諦觀良與措存者豹留皮去者草同腐勿以我相求須識匠心苦又云榛芳一翦薙瑤碧彌若亭多棄而少取持論庶獲平其言頗喻甘苦

秦淮秋感

月榭巢空燕子飛嫩涼誰與送羅衣秋深白下諸山瘦雨過青溪一舸歸孫楚樓頭詞客老蔣侯祠畔酒人稀金迷紙醉成追憶玉樹歌殘事總非

冬柳

無端抹盡白門煙衰醜如斯祇自憐入世茫然同槁木閨人多矣是寒蟬樓頭只挂青天月水畔閒思碧玉年蕉萃一生緣底事江潭照影尙纏綿

傀儡行

郭郎登場鮑老笑竿木一身任顛倒居然歌哭蔡中郎但
少心肝陳叔寶都曇答臘乍一聲胡琴羌管咿嚶鳴羨君
玲瓏體骨輕掉臂直上屏風行弋陽新腔變古調涼州妙
舞含餘情軒然旗幟擁甲兵領軍面目驕可憎桃梗路逢
土偶語袍笏從容相爾汝喁喁恩怨不肯休世間有此癡
兒女魏梁院本無人知金傀儡亦罷水嬉廬頭鼠目行處
有五官雖具徒爾爲虎賁將軍木居士舉世紛紛竊其似
扶婁狡獪亦大奇能令公怒令公喜市人一閱傀儡止偃
師之技只如此

攝山遇雨憩文殊庵

四山尊一峯巒岼出仙掌遵礪肆幽行穿蘿成獨往空巖
堆落葉溼翠不可上諸天風雨來瀟浪萬松響泉語墮寒

滌颺曉沒灌莽寂寞文殊庵昔游儼可想老僧已茶毘苔
色上齋榜先公娑羅碑遺墨尙精爽留此鎮山門摩挲心
鬱快再來知何時應待藥苗長

無隱精舍

諸天香近遠不見住山僧樵牧隔雙磻松篁環幾層四禪
空外雨千佛定中鐙畢竟吾無隱聞根落小乘

吳苑對雨書懷次顧蘭厓韻

茂苑風花又一時可堪禪榻鬢如絲百年喬木家徒在幾
輩才人嫁已遲每到窮愁翻作達便工詞賦總吟癡茫茫
六合勞存問太白閒游小杜詩

韓蘄王翠微亭石刻

翠微亭在何許飛來峯下冷泉飛水石瀟瀟不知所清涼

居士嬉春來日色欲沒繙經臺一時君相定和議安用中
興大將才縛虎已成三字獄騎驢獨繞孤山曲哀援相與
山鬼嘯故人只向新亭哭新亭茗甕積翠間國仇未雪身
敢閒聊將山水當醇酒末路英雄劇可憐我到雲林三十
載天水曾無寸椽在豈知片石待山僧洗出寒泉發光怪
四十八字字八行世子揮毫逞雄邁依然點畫有鋒稜不
與湖山同破碎曩者浪跡金陵城一登清涼山上亭延州
王自有故土曷嘗尸此南唐名名雖相符地則異區區一
墩安足爭所嗟李主淚洗面更無隻字爲之銘靈巖之麓
琴臺側墓頭尙禁樵蘇跡何不突兀建此亭榜以翠微名
不減不然徑上齊山巔蒼茫九子開風煙試摹一紙蘄王
碣并勒千秋鄂國篇

鄂王有池州
翠微亭詩

書高忠憲遺札真跡後

高忠憲真跡行楷六行云僕得從李元禮范孟博游矣一

生學力到此亦得少力心如太虛本無生死何幻質之足戀乎寒食事不無望於鳳超及廬山無咎版區役田當屬之無咎乞為致言諸相知統乞道意不能一一也三月十六夜某頓首此札與遺表一道均先生沈池之夕所書也遺表真蹟不得見願子枕漁購得此札後有劉葢山先生跋語云先生心與道一盡其道而生盡其道而死是為無生死非釋氏所謂無生死也其論至當枕漁復得先生五十和弟詩三首并裝成册長夏借觀敬題其後

東廠一怒東林哭黨人榜出土側目喧傳緹騎渡江來天地倉黃罹詔獄諸公被逮就檻車公獨臨危命朝服咄嗟大臣不可辱一死胸中籌爛熟卻為君友忍須臾夜起焚香仍秉燭草成一表兼一書正命從容池水綠表言遺則效屈平此紙當已登皇宸世間流傳惟石刻哀怨奚啻離騷經一札端嚴六行字字都挾風霜氣從李范游特其

寄學道生平有獨至上言此心如太虛幻質何爲戀人世
下言家事屬諸君田役區分及瑣細致書三友俱正人餘
者一一猶存記載山先生公老友疑似毫芒爲公剖釋氏
輪迴非所託東京人物豈其偶死固不逃亦不求此語信
之公素守嗚呼公亡二百年東林一髮千鈞懸止水城南
湛如昔幾童牧豎常流連摩挲老眼展遺墨札後別附詩
三篇中有不死蓑宏血觀者慎勿同雲煙

葉廷琯字調生吳縣人諸生有楸花盒詩

觀金子春煙波畫船冊子偶憶吳中舊游

江南此境最銷魂舊夢摩挲尙有痕雙鰲曳聲迴綠水千
鐙浮影送黃昏秋風蘋葉尋詩路細雨桃花賣酒村他日
五湖容泛舸鳴夷名姓待君論

竹隱山房贈鄭幼真杰

萬竹綠無際一峯青有情草堂佳處構高卧足平生身入
輞川畫人傳谷口名侯封千戶富那及隱君清

單學傅字師白常熟人諸生有釣渚詩選

詩話師白少從同邑吳竹橋游後客中州與姚春木
洪子齡相唱和撰集海虞詩話十六卷所收國初至
道光時同邑四百餘人凡鉅公名集皆其所略蓋意
在闢幽而作也其論詩宗旨出於馮鈍吟王東澂一
派故所作亦近之

雜詩

邱中多蓬麻風起香盈路知有幽蘭花深深采無處不采
自芬芳所感歲遲暮君亮執堅節非種力鋤去素心默無
言持此待君遇

漫興

屋小眉都礙牀敲膝反舒驅愁終仗酒醫俗止宜書樹禿
仍棲鳥溪寒不聚魚耽吟無和者詩境得秋疏

題醉綠村居壁

更無剝啄到柴荆兩載棲遲興劇清地不鹿門聊隱遯家
如燕壘暫經營半醺酒有纏綿致新種花多爛漫情最好
月明人靜夜紡車聲和讀書聲

溪上

迴溪風颺縠紋斜記得橋西有酒家長日柳隄人不到兩
三鷗鷺守荷花

顧與世字含象上虞人有味蔗軒詩鈔

詩話含象習名法家言歷居大幕自蜀而梁而秦而
楚晚歲復歸於蜀詩鈔爲其外孫李嘉績所刊余曾
見其在梁時書贈周容齋偶眺城西適遇雷雨待霽
而歸詩云寸筵叩鈞未振聾忽然鱗鼓九霄中跳珠

白雨風聲急如畫秋山暮色籠少霽沙頭飛宿鷺斜陽城角起賓鴻黃昏杖策循歸徑圓月迎人正上東詩鈔中未載此作所載者又皆選之知遺佚者多矣

紫薇花效玉溪生

一樹紫薇花繁英日未斜曾經青瑣闥長憶碧雲車爛漫朝暉露歲華晚照霞暫將邛竹杖扶植惜年華

無事

無事近黃昏清愁欲斷魂落花飛未了芳草碧無痕小靜聞茶語輕寒憶酒尊一春惆悵事客裏自溫存

晚晴雜詩匯卷一百三十三終